

खबरां

उपराष्ट्रपति सी.पी. राधाकृष्णन, प्रधानमंत्री नरेन्द्र मोदी ते गृह मंत्री अमित शाह होरें एमरजेन्सी दरान लोकतंत्र दी राख्खी करने आहलें गी अज्ज श्रद्धांजलि अर्पित कीती ऐ।

उपराष्ट्रपति सी.पी. राधाकृष्णन होरें नमें चुने गेदे 10 राज्यसभा सदस्यें गी अज्ज सगंध चुकाई।

प्रधानमंत्री नरेन्द्र मोदी होर सेशेल्स दे राश्ट्री ध्याड़े आहले गोल्डन जुबली समारोहें च मानजोग परौहने दे तौर पर हिस्सा लैने लेई सेशेल्स दे दौरे पर जाडन।

बपार मंत्री पीयूष गोयल होरें आखेआ ऐ जे ब्रिटेन दे कन्नै मुक्त बपार समझौता, भारत आसेआ अज्जै धोड़ी कीता गेदा सबनें शा मता व्यापक समझौता ऐ।

विजली मंत्री मनोहर लाल होरें उर्जा सरबन्धी प्रणालिएं पर ब्रिक्स मुल्लें बश्कार तगड़े तालमेल दी जरूरतें पर जोर पाया ऐ।

वेनेजुएला दे कार्यवाहक प्रधान डेले रोड्रिगज़ होरें आखेआ ऐ जे उं'दे देसै च आए दे विनाशकारी भूचालें करी 164 लोकें दी मौत होई गई ऐ जिसलै के 971 शा मते लोक जख्मीं होई गेदे न।

<><><><><><>

Emergency

उपराष्ट्रपति सी.पी. राधाकृष्णन होरें एमरजेन्सी दे दरान लोकतांत्रिक मुल्लें-कदरें दी राख्खी करने आहलें गी अज्ज श्रद्धांजलि दित्ती। सोशल मीडिया पर इक संदेस च उ'नें आखेआ जे एमरजेन्सी, भारत दे इतिहास दा इक करठन दौर हा, जिसलै संविधान दे मुल्लें दा सख्त म्तेहान लैता गेआ हा। उ'नें आखेआ जे उस बेल्लै नागरिकें दे केई अधिकार खुस्सी लैते गे हे ते अभिव्यक्ति दी आजादी पर बी रोक लाई दित्ती गई ही ते एहदा असर लोकतांत्रिक संस्थाएं पर बी पेआ हा। उपराष्ट्रपति होरें आखेआ जे संविधान दे आदर्शें गी मार्गदर्शक मन्त्रदे होई देश गी न्याऽ, आजादी, बरोबरी ते भाईचारे दे मुल्लें दे प्रति अपनी प्रतिबद्धता होर मजबूत करनी चाहिदी। तोआई प्रधानमंत्री नरेन्द्र मोदी होरें एमरजेन्सी दे दरान लोकतांत्रिक मुल्लें दी राख्खी लेई दृढ संकल्पित रेह दे सबनें लोकें गी अज्ज श्रद्धांजलि अर्पित कीती ते उस दौर गी भारत दे इतिहास दे सबनें शा काले ध्यायें चा इक करार दित्ता। सोशल मीडिया पोस्ट च श्री मोदी होरें आखेआ जे एमरजेन्सी, संविधान पर सिद्धा हमला हा। उ'नें आखेआ जे इस दरान नागरिक स्वतंत्रतां निलंबित कीतीआं गेइयां, अभिव्यक्ति दी आजादी पर रोक लाई गई ते सियासी नेताएं, पत्रकारें ते समाजी कार्यकर्ताएं गी गिरफ्तार कीता गेआ। प्रधानमंत्री होरें अगगे आखेआ जे देश दे लोकतंत्र दी नीहू रक्खने आहली संस्थां बी इस दरान हमले दे लपेटे च आइयां। प्रधानमंत्री होरें आखेआ जे एमरजेन्सी ने ओकड़े अनगिनत नागरिकें दी असाधारण दलेरी गी बी उजागर कीता जि'नें चुप रौहने शा इनकार करी दित्ता ते संविधान च दस्से गेदे आदर्शें गी बरकरार रक्खेआ। मोदी होरें आखेआ जे संविधान 140 करोड़ भारतीयें दिए आसें-तांगें, अधिकारें ते जिम्मेदारिएं दा प्रतीक ऐ।

तोआई गृह मंत्री अमित शाह होरें बी एमरजेन्सी दे खलाफ संघर्ष करने आहले लोकतंत्र सेनानियें गी अज्ज श्रद्धांजलि अर्पित कीती। सोशल मीडिया पोस्ट च गृह मंत्री होरें आखेआ जे 25 जून 1975 भारती लोकतंत्र दा इक काला ध्याऽ हा, जिसलै उस बेल्ले दी सरकार ने संविधान, प्रेस दी स्वतंत्रता ते अभिव्यक्ति दी आजादी गी कमजोर करने दी कोशश कीती ही। श्री शाह होरें आखेआ जे केंद्र सरकार 25 जून गी संविधान हत्या दिवस दे तौर पर मनांदी ऐ तांजे इस दौर गी देश चेत्ता रक्खै ते भविष्य च लोकतंत्र ते संविधान पर ऐसा हमला फही कदें नेई होऐ।

<><><><><><>

PM-SEVA

प्रधानमंत्री नरेंद्र मोदी होरें अज्ज आखेआ जे सरकार दी सेवा पर्व ते आजादी दा अमृत महोत्सव जनेई पैहलें ऐतिहासिक जागरूकता, सांस्कृतिक यादें दी संभाल ते राष्ट्र कन्नै जुड़े रौहने दी सोच गी गूढा करदे होई संवैधानिक मुल्लें गी मजबूती दित्ती ऐ। प्रधानमंत्री होरें केंद्री मंत्री गजेंद्र सिंह सशेखावत हुंदे लिखे दे इक लेख गी सांझा करदे होई एहू गल्ल आक्खी। अपने लेख च शेखावत होरें आपातकाल बारै लिखेआ ते दस्सेआ जे किस चाल्ली एह्दा असद आजादी पर ते लोकें दी मेदें पर पेआ। मंत्री होरें आखेआ जे 1975-77 दा आपातकाल आजाद भारत दे सबनें शा मुश्किल दौर शा इक रेआ। उनें आखेआ जे एह दस्सदा ऐ जे कियां प्रजातांत्रिक संस्थानें पर बी दबाव पाया जंदा ऐ जिसलै संविधान दे रक्षक कमजोर पेई जंदे न ते लोकें दी आजादी पर पाबंदी लाई जंदी ऐ।

<><><><><><>

New Members RS

उपराष्ट्रपति ते राज्यसभा दे अध्यक्ष सी.पी राधाकृष्णन होरें राज्यसभा दे नमें चुनोए दे ते दोबारा चुनोए दे 10 सदस्यें गी अज्ज संसद च सगंध चुकाई। इनें सदस्यें च सना सतीश बाबू, विजय चिंताकायला ते बाशयम रामाकृष्णा होर तेलगु देसम पार्टी थमां जन सेना पार्टी दे लिंगाकानेनी रामेश शामिल हे। राज्यसभा अध्यक्ष होरें अरूणाचल प्रदेश थमां बीजेपी दे ताई तगक, ओडिशा थमां बीजेपी दे देवाशीश समंतराए, तमिलनाडू थमां कांग्रेस दे प्रवीण चक्रवर्ती ते गुजरात थमां बीजेपी दे राजेश परमानंद शुक्ला होरें गी बी पद दी सगंध चकाई गेई। झारखंड थमां चनोए दे झारखंड मुक्ति मोर्चा दे बेधनाथ राम ते आजाद सदस्य परीमल नाथवानी होरें बी सगंध लैती।

<><><><><><>

Pre. Military Officers

राष्ट्रपति द्रोपदी मुर्मू होरें राष्ट्रपति भवन च सेना इंजीनियर सेवाएं दे प्रशिक्षु अधिकारिण कन्नै मलाटी कीती। इक सोशल मीडिया पोस्ट च राष्ट्रपति होरें आखेआ जे इनें अफसरें दे कौशल, समर्पण ते मेहनत ते कारण गै सैनिक नाविक ते वायु सेनिक देश दी रक्षा च अपनी जिम्मेदारी स्हेई तरीके कन्नै निभांदे ना। राष्ट्रपति होरें जोड़ेआ जे भारत गी मजबूत ते सुरक्षित बनाने दे कन्नोकन्नी भारत गी साफ, हरा-भरा ते टिकाउ बनाने आस्तै बी कोशिशों होनियां चाइदियां।

<><><><><><>

PM-Seychelles

प्रधानमंत्री नरेंद्र मोदी होर 27 थमां 29 जुलाई धोड़ी Seychelles दे दौरे पर रौहडन। प्रधानमंत्री होर Seychelles दे राष्ट्री दिवस दी स्वर्ण जयंती दे उपलक्ष्य पर आयोजित कार्यक्रम च मानजोग परौहने दे तौरा पर शिरकत करंगन। 2015 च प्रधानमंत्री होरें Seychelles दा दौरा कीता हा। विदेश मंत्रालय नै इक बयान च आखेआ ऐ जे भारत रक्षा बलें ते दो भारत नौसेना ज्हाजें दा दस्ता बी इस कार्यक्रम च शामिल होग। दौरे दरान प्रधानमंत्री होर Seychelles दे राष्ट्रपति डा. पैट्रिक हरमिने हुंदे कन्नै गल्लवात करंगन ते दपक्खी सहयोग दे पूरे दायरे दी समीक्षा करंगन। इस दरान क्षेत्रीय ते अंतरराष्ट्री मसले पर बी बचारें दा आदान-प्रदान कीता जाहगा। प्रधानमंत्री होर Seychelles दी नेशनल असेंबली गी बी संबोधित करंगन ते उत्थे रवा'रदे भारतीयें कन्नै बी मिलंगन।

<><><><><><>

Goyal FTA UK

उद्योग ते वाणिज्य मंत्री पीयूष गोयल होरें आखेआ ऐ जे यू. के कन्नै मुक्त बपार समझौता भारत आसेआ कीते गेदे समझौतें शा सबनें शा विस्तृत ऐ। इंडिया ग्लोबल फोरन यू.के इंडिया वीक गी लंदन च अज्ज संबोधित करदे होई गोयल होरें आखेआ जे समझौता थमां होने आहले आर्थिक लाहू दी कोई सीमा नेई ऐ। मंत्री होर अपने 3 दिनें दे दौरे आस्तै यू.के पुज्जे ते भारत यू.के विस्तृत आर्थिक ते उद्योग समझौता गी लागू करने सरबन्धी दवें देशें दी तैयारियें दा जायजा लैता जेड़ा गै 15 जुलाई थमां लागू होग। समझौते बारै गल्ल करदे होई गोयल होरें आखेआ जे इस समझौते कन्नै भारती उद्योग विकसित होग।

<><><><><><>

PM-Library

प्रधानमंत्री संग्रहालय ते पुस्तालय आसेआ अज्ज साबका प्रधानमंत्री विश्वाथ प्रताक सिंह हुंदी जीवनी ते परम्पराएं गी समर्पित इक प्रदर्शनी दा आयोजन कीता गेआ। प्रदर्शनी च सिंह हुंदे राजनीतिक सफर, कलात्मक रूचिएं ते भारत दे प्रजातांत्रिक इतिहास च उंदे योगदान गी दर्शाया गेआ। इस नमैश दा मुख आकर्षण वी.पी सिंह हुंदी बनाई गेदियां 19 पेंटिंगां यानि चित्रकलां हियां। प्रदर्शनी च आने आहले लोकें उंदी जिंदगी ते राजनीतिक करियर कन्नै जुडे दे मुख पहलुएं पर आधारित इक लघु डाक्युमेंट्री बी दिक्खी। इस मौके पर बोलदे होई वी.पी सिंह हुंदी पोत्री अदरिजा मंजरी सिंह होरें आखेआ जे सिंह हुंदी 95मीं पुण्यतीथित प्रधानमंत्री संग्रहालय च मनाने कन्नै उंदे राजनीतिक सफर दी बचपन दी याद दोबारा चेता कीती गेदियां न। नमैश च दस्सी गेदी तस्वीरें कन्नै एह जाहिर होंदा ऐ जे ओहू राष्ट्र दे प्रति किन्ने प्रतिबद्ध हे।

<><><><><><>

PM-Amazon

प्रधानमंत्री नरेंद्र मोदी होरें अज्ज एमेजान दी भारत च 48 बिलियन डालरें दे रिकार्ड निवेश दा स्वागत कीता ऐ। मोदी होर एमेजान दे सीईओ एन्डे जैस्सी हुंदे कन्नै नमीं दिल्ली च मिले। इक सोशल मीडिया पोस्ट च प्रधानमंत्री होरें आखेआ जे इस निवेश कन्नै भारत च नौजवानें आस्तै नमें मौके पैदा होंगन। उनें एहू बी आखेआ जे एहदे कन्नै एह पता लगदा ऐ जे पूरी दुनिया भारत च निवेश करने च दिलचस्पी दस्सा'रदी ऐ।

<><><><><><>

Jitendra Singh Defence College

केंद्री विज्ञान ते तकनीकी मंत्री डा. जितेंद्र सिंह होरें अज्ज आखेआ जे तकनीक राएं जंग करने दी तैयार कन्नै लैस होने करी राष्ट्री सुरक्षा गी नमां रूप दित्ता जा'रदा ऐ ते राष्ट्री सुरक्षा दे भविष्य गी आर्टिफिशल इंटेलिजेंस, कोयांटम तकनीकें, जीवन तकनीकें ते अंतरिक्ष क्षमताएं दे समावेश कन्नै विकसित कीता जा'रदा ऐ। मंत्री होर नमीं दिल्ली च नेशनल डिफेंस कालेज च वरिष्ठ अधिकारिएं ते कोर्स प्रशिक्षुएं गी संबोधित करा'रदे हे। डा. सिंह होरें आखेआ जे भारत गी तकनीक दे लिहाज कन्नै अगो रौहना लोडचदा ऐ कीजे उभरा'रदी सुरक्षा चुनौतिएं कन्नै निब्वड़ेआ जाई सकै ते बदले वैश्विक पर्यावरण रणनीतिक हितें गी सुरक्षित रखेआ जाई सकै। डा. सिंह होरें आखेआ जे नमें संकटें दा पता बलें कोला मता तकनीकी उत्कृष्टता राएं लाया जारदा ऐ। उनें जोड़ेआ जे भारत दी बदधी स्वदेशी तकनीकी क्षमताएं कन्नै देश दी रक्षा सरबन्धी तैयारियां मजबूत होइयां न ते वैश्विक सतर पर स्थांडा कद उच्चा होआ ऐ। मंत्री होरें आखेआ जे पिछले दाहके दरान भारत नै रक्षा दे क्षेत्र च जबरदस्त विकास दर्ज कीता ऐ। रक्षा उत्पादन 2014 थमां 174 फीसदी बलिए तकरीबन 1 लख 54 ज्हार करोड़ रुपे पुज्जी गेआ ऐ।

<><><><><><>

The Second Orbit Belief of a Man

वायु सेना प्रमुख एयर चीफ मार्शल अमरप्रीत सिंह होरें अज्ज ग्रुप कैप्टन शुभांशु शुक्ला हुंदे जीवन पर आधारित किताब 'The Second Orbit : Belief of a Man- Dream of 1-4 Billion Heats' दा नमीं दिल्ली च विमोचन कीता। इस किताब च ग्रुप कैप्टन शुक्ला हुंदे फाइटर पायलेट थमां अंतरिक्ष यात्री बनने धोड़ी दा सफर दस्सेआ गेदा ऐ। एहदे च उंदे ऐतिहासिक मिशन थमां अंतरराष्ट्री अंतरिक्ष स्टेशन दा सफर Axiom-4 दे तौर पर दस्सेआ गेदा ऐ। इस पुस्तक च अंतरिक्ष यात्री दे तौरा पर चुनोना, प्रशिक्षण, मिशन दी तैयारी ते अंतरिक्ष च रौहने दी रिहर्सलें दा बी जिक्र ऐ। पिछले बरे 25 जून गी शुरू कीते गेदे ग्रुप कैप्टन शुक्ला हुंदा Axiom-4 मिशन दी ते अज्ज औहदी बरेगंड बी ऐ। मीडिया गी संबोधितकरदे होई सिंह होरें जोर देइयै आखेआ जे एहू किताब आने आहली नस्लें गी प्रोत्साहित करदी रौहगा।

<><><><><><>

BRICS

केंद्री उर्जा मंत्री मनोहर लाल खट्टर होरें आखेआ जे आर्थिक विकास, सामाजिक बाढ़े ते इंसानी उत्थान आस्तै उर्जा बड़ी जरूरी ऐ। गुरुग्राम च 11मीं ब्रिक्स उर्जा मंत्रिणं दी बैठक गी संबोधित करदे होई खट्टर होरें आखेआ जे किफायती ते टिकाऊ उर्जा, विकास सरबन्धी धेइयै गी पूरा करने ते टिकाऊ विकास गी पाने आस्तै महत्वपूर्ण ऐ। उनें आखेआ जे भारत परतिण् इस्तेमाल होने आहली उर्जा दी क्षमता, स्मार्ट ग्रिड आधारभूत ढांचा ते उर्जा संरक्षण प्रणालिणं गी बढा'रदा ऐ तां जे भविक्ख च उर्जा दे खेत्तर च भारत दी स्थिति मजबूत बनी दी रवै।

<><><><><><>

Venezuala-President

वेनेजुएला दे राष्ट्रपति डेलसी रोड्रीगुएज होरें लगातार 7.2 तीव्रता आले भूंचाल आने दे बाद देश च आपातकाल घोशित करी दित्ता ऐ। भूंचाल दे कारण काशकास ते कन्नै लगदे इलाकें च मती सारी ईमारतें गी नुकसान होआ ऐ। राष्ट्र गी संबोधित करदे होई रोड्रीगुएज होरें छात्रें आस्तै कक्षाणं गी ते गैर जरूरी गतिविधिणं गी बंद करने दी घोशणा कीती ऐ।

<><><><><><>

Teachers Award

शिक्षा मंत्रालय नै राष्ट्री शिक्षा पुरुस्तार-2026 आस्तै आनलाइन आवेदन मंगे न। नामांकन नेशनल अवाड्स पोर्टल राणं अगले म्हीने दी 10 तरीक धोड़ी भरेआ जाई सकदा ऐ। एह पुरुस्कार उनें शिक्षकें गी दित्ते जंदे न जिनें स्कूली शिक्षा दे क्षेत्र च उत्कृष्टता, नमापन ते प्रतिबद्धता कन्नै योगदान दित्ता होऐ।

<><><><><><>